



SAKSPAPIR

Saksnr	Utval	Type	Dato
10/2019	Levekårsutvalet	PS	01.04.2019
26/2019	Formannskap/plan- og økonomiutvalet	PS	29.05.2019

Sakshandsamar	Arkiv	ArkivsakID
Ann Kristin Bolstad	FE-143, FA-A00	18/1123

FORSLAG TIL PLANPROGRAM KOMMUNEDELPLAN OPPVEKST

Vedlegg:

Forslag til planprogram Kommunedelplan Oppvekst

Rådmannen sitt framlegg til vedtak:

I medhald av plan- og bygningslova § 11-13 vert planprogrammet for Kommunedelplan oppvekst sendt på høyring.

Levekårsutvalet - Sak 10/2019

LEV - Behandling:

Samrøystses vedtak.

LEV - Tilråding/Vedtak:

I medhald av plan- og bygningslova § 11-13 vert planprogrammet for Kommunedelplan oppvekst sendt på høyring.

Saksopplysningar:

Kort om saka:

I samsvar med *Kommunal planstrategi for Vaksdal 2016 - 2020* skal det utarbeidast ein ny kommunedelplan for oppvekst. Formannskapet bad i vedtaket Levekårsutvalet om å handsame drøftingssak om arbeidsprosess og tema til planprogram, og om å omnemne ein saksordførar. Levekårsutvalet har i møte 24.09.2018 oppnemnd Hege Eide Vik som saksordførar og 18.02.2019 drøfta arbeidsprosess og tema til planprogrammet.

Heimel

Kommunedelplan oppvekst er ein plan etter plan og bygningslova § 11. Det gjeld same krav som ved kommuneplan, men avgrensa til tenesteområdet oppvekst.

Formannskapet i Vaksdal har i møte 03.09.2018 vedteke oppstart av planarbeid for Kommunedelplan Oppvekst i medhald av plan- og bygningslova § 11-12.

Planprogrammet utdjupar føremålet med planarbeidet, planprosessen, opplegg for medverknad og utgreiingsbehov i samsvar med plan- og bygningslova § 4-1 og § 11-13.

Planprogrammet skal etter plan- og bygningslova § 11-13 sendast på høyring.

Politisk styringsystem og delegeringsreglement for Vaksdal kommune

Bakgrunn

Utgangspunktet for Kommunedelplanen er den kommunale planstrategien og Samfunnsdelen til kommuneplanen, og ein legg retningslinjer og pålegg frå statlege og regionale myndigheiter til grunn. Ein skal ta stilling til langsiktige utfordringar, mål og strategiar for kommunesamfunnet som heilskap og kommunen som organisasjon. Kommunedelplan Oppvekst danner grunnlag for verksemd og planar innan tenesteområdet. Planen skal ha ein handlingsdel for 4 år eller meir. Handlingsdelen skal reviderast årleg. Økonomiplanen skal omhandle eller legge føringar for handlingsdelen.

Planprogram

Det første steget i planprosessen er å utarbeide eit planprogram, jf. plan- og bygningslova §11-13. Planprogrammet skal vise kva tema ein skal sjå nærare på i planen, og korleis ein skal gjennomføre planarbeidet.

Planprogrammet skal gjera nærare greie for føremålet med planarbeidet, ta for seg planprosessen med fristar og deltakarar, samt opplegg for medverknad. Programmet skal synleggjere tema som bør utgreiast spesielt og skal vera styrande for arbeidet og innhaldet i heile kommuneplanen.

Forslag til planprogram er lagt ved, og inneber utarbeiding av Kommunedelplan Oppvekst utvalde tema etter forventade utfordringar i komande planperiode.

Planprogrammet skal leggjast ut til høyring og offentleg ettersyn i minimum seks veker og kommunen vurderer merknadene som kjem inn før endeleg planprogram vert fastsett. Sjølv planen skal utarbeidast etter det fastsette planprogrammet.

Organisering av planarbeidet

Formannskapet er planutval og skal sende planprogrammet på høyring og gje innstilling til kommunestyre om planprogram.

Utval for Levekår har tenesteområdet for oppvekst som sitt ansvarsområde. Det heiter i reglementet at «Utvalet har særleg ansvar for at det vert utarbeidd gode målsetjingar, planar og andre styringsdokument for tenestene innan utvalet sitt arbeids- og ansvarsområde.»

Rådmann legg opp til ein tett og god dialog med planutvalet gjennom heile planprosessen

Medverknad og framdrift

Det er krav til medverknad etter plan- og bygningslova. Dette vil framkome av planprogrammet. Framdrift vil òg framkome av planprogrammet

Vurdering:

Innbyggjarane skal møtast med dialog og profesjonalitet, og me skal samarbeida systematisk og heilskapleg for å gje rett teneste på rett nivå til rett tid og til lågast mogeleg kostnad. Tenesteområde oppvekst har gjennom sine kvalitets- og OU-prosjekt arbeidd med å utvikla dei kommunale tenestene for å verta betre rusta til å møte endra behov og rammevilkår. Vaksdal kommune har som eit overordna mål å ha ein sunn økonomi og gjennom god økonomistyring sikra økonomisk handlingsrom.

Utval for Levekår har tenesteområdet for oppvekst som sitt ansvarsområde. Det heiter i reglementet at « Utvalet har særleg ansvar for at det vert utarbeidd gode målsetjingar, planar og andre styringsdokument for tenestene innan utvalet sitt arbeids- og ansvarsområde.» Arbeidet med

Kommunedelplan oppvekst er såleis i kjerna av utval for Levekår sitt ansvar. Samstundes er formannskapet planutval, og det står klårt i reglementet at planar under levekårsutvalet sitt ansvarsområde skal bli lagt fram for formannskapet som planutval før saka blir endeleg lagt fram for kommunestyret. Tilrådinga lyt såleis omfatte både utval for Levekår sitt særlege ansvar og kvalitetar som fagutval og formannskapet sitt ansvar som planutval. Dette er freista tatt i vare ved at Utval for Levekår har handsama drøftassak om arbeidsprosess og tema i planprogrammet, samt oppnemd saksordførar.